

(1237) 1238, gener, 10

*Pere Ramon de Vilademany defineix a Sant Daniel i a Berenguera de Palera, infermera del monestir, els seus drets sobre dues feixes i un mas situats a Salitja que Bernart Renau ha venut a la infermeria i el dret de pas per a un rec de molí, per 105 sous.*

ASD núm. 120, perg. orig., 282 x 185 mm.

Sit notum cunctis quod ego Petrus Raimundi de Uillademagno per me et per omnes meos presentes et futuros, gratis et ex certa <sciencia>, ob remedium anime mee et omnium parentum meorum et omnium fidelium defunctorum dono et diffinio atque remitto Deo et monasterio Sancti Danielis in manu et potestate Berengarie de Paleria, tenente locum infirmarie, pro franco et libero alodo in perpetuum omnia iura et dominia et quicquid habeo uel habere debeo, accipio uel accipere <debeo> in illis duabus fexiis terre quas Bernardus Renalli tenebat per me in parrochia Sancte Marie de Selia et etiam in manso et in eius pertinenciis quem uobis uendidit in prefata parrochia. Item per me et per omnes meos dono, laudo et concedo uobis et successoribus uestris in perpetuum habere regum per fexiam terre quam Berengaria Rudrica tenet per me in predicta parrochia, per quem regum semper libere et absolute sine meo impedimenta et meorum ducatis aquam ad uestrum molendinum sine seruicio seu exaccione quam modo uobis facere non possit. Hec omnia supradicta nullo iure mihi in illis retento, uobis dono, laudo et concedo in perpetuum pro franco alodo et libero. Et propter hoc totum confiteor me a uobis numerando recepisse et penes me habuisse centum quinque solidos barchinonenses, ualente marcha argenti .LXXXVIII. solidos, renunciando excepcioni non numerate pecunie.

Actum est hoc .III. idus ianuarii anno Domini .MCCXXX. septimo.

Sig+num Petri Raimundi de Uillademagno, qui hoc firmo firmarique rogo. Sig+num Ermengardis de Uillademagno, qui hoc firmo et laudo diffiniendo Deo et prefato monasterio Sancti Danielis, loco scilicet infirmarie in perpetuum, si quod ius in predictis omnibus habeo uel habere debeo iure aliquo uel ratione. Sig+num Bemardi Mercaterii. Sig+num Guilielmi de Uillabino. Sig+num Bemardi de Sancto Celedonio. Sig+num Amaldi de Uillademagno, filii Petri Raimundi de Uillademagno, qui hanc cartam laudauit laudandoque firmauit in manu Bemardi clerici de Burdillis, ebdomadarii Sancti Danielis, uidentibus et audientibus Bernardo de Cartaiano et Bernardo de Uillario, militibus. Sig+num Bemardi de Sancto Mauricio, filii dicti Petri Raimundi, qui hoc firmo et laudo. Sig+num Guilielmi de Sancto Iohanne, baiuli qui hoc firmo.

(*s. man*) Guilielmus Guardierii, qui hoc scripsit mandato Bernardi Stephani, Gerundensis canonici et publici notarii. Bernardus Stephani, Gerundensis canonicus et publicus notarius, suscribo (*s. man*).

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 250-251